

Na caminda pa “Hey... ta Pasco!”

Cera conoci un tiki mas di cerca cu Jeanedy Semeleer



STA. CRUZ -- Ya pa algun aña caba Jeanedy ta perfilando su mes como un talento hoben, multifacetico cu tin un futuro hopi prometedor su dilanti. Siguiendo pasonan di su ruman homber pa un tempo, awor e ta logra impone su mesun estilo y briya riba su mes. Hopi ta e comentarionan positivo y expectativa pa cu e trayectoria cortico pero exitoso di e talentoso hoben aki. Su prome encuentro cu publico tabata tempo cu e tabata tin 8 aña, y a participa den un festival di canto di su school, PIUS X school di Dakota, y asina el'a sigui desaroya su talento te cu awe e ta un di e hobennan cu ta goza di un fama grandi. Jeanedy a presenta den varios concierto y riba varios album musical como invitado special y mayoria hende por a nota e desaroyo den su estilo y principalmente den su forma di interpreta su cancionnan. Nos tur por corda su exito di aña pasa “No conta mi mas” cu a pone cu Jeanedy a gana curazon di hopi y a haya masha hopi fanatico apoyando e y asina su periodo di profundizacion y stimacion di arte en general a sigui. Purbando di desaroya su talentonan y conoce su mes mihor, e mes a tuma e iniciativa, cu apoyo di su mayornan

y su ruman, di participa den “Gang di Arte” e aña aki y a descubri e talento di diseño di moda y tambe e arte di composicion, ganando respet for di hopi cu a mir’e desaroya. E tin un pasion masha grandi pa bida y color, cu ta e factornan cu mas ta inspir’e. Oktober ultimo el’a wordo scogi pa ta e personahe special riba portada di Focus Teens, mirando su trayectoria como talento hoben. Pa e temporada aki, e no kier a keda afor y tambe kier a contribui na e rikeza musical cu nos tin na Aruba. E team di “Hey... ta Pasco!” manera ta tradicion, lo inclui Jeanedy riba e album musical cu lo ta pronto riba mercado y tambe den e gran concierto cual lo ta tumando lugar na Renaissance Convention Center. Dia 9 di December proximo, hopi hende lo ta wardando ansiosamente riba e presentacion di Jeanedy, mirando cu su cancion nobo ta un di esunnan mas solicita y toca pa e temporada aki. RBTT Bank, SETAR NV, Seroe Blanco Service Station, Compra Ltd, Caribbean Overseas, Playa Liquor & Bottling Company, Carvel Icecream, Cinnabon, Viking Freight y TRASH by Ronchi ta masha orguyoso di ta formando parti di e tremendo proyecto aki, aportando y apoyando nos talentonan local y alavez ta desea Jeanedy hopi exito dia 9 di December den Renaissance Convention Center. Pasa na CD & More na Cumana, Ticket Plus den Hendrikstraat of bo por yama tambe na 593370- of 5633333 pa bo ticket di entrada.

